

ԽՈՐՀՐԴԱԺՈՂՈՎ

«ԵՎՐԱՄԻՈՒԹՅՈՒՆԸ ԵՎ ԳՈՐԾԸՆԿԵՐՆԵՐԸ՝ ԲԱԶՄԵՐԱՆԳՈՒԹՅՈՒՆ ՈՒԺԵՂ ՄԻԱՍՆՈՒԹՅԱՆ ՀԱՄԱՐ» ՄԻԶԱԶԳԱՅԻՆ ԽՈՐՀՐԴԱԺՈՂՈՎ ԹԲԻԼԻՍԻՈՒՄ



Իր խոսքում, Վրաստանի վարչապետը, խոսելով երկրում իրականացվող բարեփոխումների մասին, հայտարարեց, որ դրանք մեծապես նպաստում են երկրի զարգացմանը:

Դեկտեմբերի 4-ին Թբիլիսիում աշխատանքն սկսեց «Եվրամիությունը և գործընկերները՝ բազմերանգություն ուժեղ միասնության համար» միջազգային խորհրդարանական խորհրդաժողովը, որի աշխատանքին մասնակցեց 17 երկրի խորհրդարանական պատվիրակություն: Խորհրդաժողովի աշխատանքին մասնակցեցին և ելույթ ունեցան Վրաստանի վարչապետ Գիորգի Կվիրկավիլին, խորհրդարանի նախագահ Իրակլի Կոբախիձեն:

Կանգնած են Եվրամիության հետ Ասոցիացման համաձայնագրով ծրագրված նպատակներին: Նրա խոսքով, Վրաստանը Արևելյան գործընկերության մյուս անդամների հետ 2020 թվականի համար ծրագրել է (Շարունակությունը՝ 2-րդ էջում)

ՎՐԱՍՏԱՆ - ՇՎԵՅՏԱՐԻԱ

ՇՎԵՅՏԱՐԻԱՅԻ ՆԱԽԱԳԱՅԻ ԱՅՑԸ ՎՐԱՍՏԱՆ

Դեկտեմբերի 4-6-ը պաշտոնական այցով Թբիլիսիում էր գտնվում Շվեյցարիայի նախագահ Դորիս Լեյթհարդը:

Պաշտոնական դիմավորման արարողությունից հետո, Թբիլիսիի Հավլաբարի նստավայրում, տեղի ունեցավ Վրաստանի նախագահ Գիորգի Սարգվելավիլու և Շվեյցարիայի նախագահ Դորիս Լեյթհարդի առանձնագրույցը, որին հաջորդեցին պատվիրակությունների ընդլայնված կազմով բանակցությունները:

Ինչպես նշեցին նախագահի մամուլ ծառայությունում, հանդիպմանը կողմերը քննարկեցին երկկողմ հարաբերությունների զարգացման հեռանկարները: Վրաստանի նախագահը հյուրին ներկայացրեց Վրաստանում իրականացվող և իրականացվելիք բարեփոխումները՝ ուղղված երկրի ներքին ու արտաքին քաղաքական-տնտեսական քաղաքականությանը:



(Շարունակությունը՝ 2-րդ էջում)

ԲԱՐԵՓՈՒՄ

ՀԱՍՏԱՏՎԵՅԻՆ ԿԱՌԱՎԱՐՈՒԹՅԱՆ ՎԵՐԱԿԱՌՈՒՅՄԱՆ ՓՈՓՈԽՈՒԹՅՈՒՆՆԵՐԸ



Խորհրդարանի արտահերթ նիստում քննարկվեց 99 օրինակացրին քվեարկություն: Ընդդիմությունը խիստ քննադատության

Դեկտեմբերի 7-ին Վրաստանի խորհրդարանը, երեք ընթերցումով, հաստատեց կառավարության վերակառուցման հետ կապված օրենսդրական փոփոխությունները:

Նախագիծ: Պատգամավորները յուրաքանչյուր օրինականաբար հարցով անցնում են քվեարկությանը: Ընդդիմությունը խիստ քննադատության ենթարկեց փոփոխությունները, իսկ խորհրդարանական մեծամասնության որոշակի մասը դժգոհություն հայտնեց բնապահի (Շարունակությունը՝ 2-րդ էջում)

ՏԱՐԱԳՐԱՄ

ԿՈՐԱ ԳՎԵՆԵՏԱԶԵ. «ԱՐԻԻ ԿՈՒՐՄԻ ՎՐԱ ԱԶԴՈՒՄ ԵՆ ՄԻ ՇԱՐՔ ԳՈՐԾՈՆՆԵՐ»

Դեկտեմբերի 4-ին Վրաստանի Ազգային բանկի նախագահը Վրաստանի խորհրդարանի ֆինանսաբյուջետային կոմիտեին ներկայացրեց դրամավարկային և տարադրամային քաղաքականության հիմնադրույթները: Ազգային բանկի ղեկավարը պատասխանեց նաև լարիի կուրսի վերաբերյալ խորհրդարանականների հարցերին:

Խոսելով վերջին ժամանակներում լարիի արժեզրկման մասին՝ Կոբա Գվենետաձեն նշեց, որ փոխանակման լողացող կուրսի պայմաններում կանխագծումների կատարումը բացարձակապես անհնար է:

- Բացի այդ, ինչպես հայտնի է, առկա են տարբեր գործոններ, որոնք ազդեցություն են գործում լարիի կուրսի վրա, թեպետ կան նաև գործոններ, որոնց մասին մենք տեղեկություն չունենք,- հայտարարեց նա (Շարունակությունը՝ 3-րդ էջում)

ՏԱՐԵԼԻՑ

ՀԱՐԳԱՆՔԻ ՏՈՒՐՔ՝ ԴԵԿՏԵՄԲԵՐԻ 7-Ի ՍՊԻՏԱԿԻ ԵՐԿՐԱՇԱՐԺԻ ԶՈՐԵՐԻ ՀԻՇԱՏԱԿԻՆ

Դեկտեմբերի 7-ին ողջ հայ ժողովուրդը նշեց 1988 թվականի Սպիտակի երկրաշարժի 29-րդ տարելիցը և հարգանքի տուրք մատուցեց տարերքի զոհերի հիշատակին:



Դեկտեմբերի 7-ին Հայաստանի վարչապետ Կարեն Կարապետյանը 1988 թվականի երկրաշարժի 29-րդ տարելիցի կապակցությամբ այցելել է Գյումրի: Կարեն Կարապետյանը ժամը 11:41-ին ծաղիկներ է դրել Գյումրիի «Սուրբ Ամենավրկիչ» եկեղեցու մոտ տեղադրված 1988թ. երկրաշարժի զոհերի հիշատակը հավերժացնող հուշարձանին և մասնակցել մատուցվող պատարագին:

Երկրաշարժի զոհերի հիշատակի հոգեհանգստյան արարողություններ են կատարվել Հայաստանի բոլոր եկեղեցիներում:

ՎԻՐԱՅԱՅՈՒԹՅՈՒՆԸ ՆՇԵՑ ԵՐԿՐԱՇԱՐԺԻ 29-ՐԴ ՏԱՐԵԼԻՑԸ

Դեկտեմբերի 7-ին, Թբիլիսիի «Սուրբ Էջմիածին» եկեղեցում լուսարարապետ Տեր Մանուկ քահանա Ջեյմալյանը կատարեց հոգեհանգստյան կարգ: Հոգևոր հայրը անդրադարձ կատարեց Հայաստանում աղետաբեր երկրաշարժի ավերածություններին, արժեուրեց աշխարհի երկրների արձագանքն ու օգնությունը, առանձնահատուկ ընդգծեց հարեւան Վրաստանի և վրաց ժողովրդի օգնությունը:

Նույն օրը, Վրաստանում Հայաստանի նորանշանակ, արտակարգ և լիազոր դեսպան Ռուբեն Սադոյանը, դեսպանության աշխատակիցների ուղեկցությամբ, Սուրբ Էջմիածին եկեղեցում հարգանքի տուրք մատուցեց երկրաշարժի զոհերի հիշատակին, ապա այցելեց «Հայարտուն» մշակութային կենտրոն:

Դեկտեմբերի 7-ին, Ախալքալաքի «Սուրբ Խաչ» եկեղեցում արարողությանը մասնակցեցին Ախալքալաքի քաղաքապետ Յուրի Ունանյանը և սակրեբուլոյի նախագահ Նաիրի Իրիցյանը: Նիոնոմիդայի «Սուրբ Սարգիս» եկեղեցում հոգեհանգստյան արարողությանը ներկա էին Նիոնոմիդայի քաղաքապետ Անի Մոսոյանը ու սակրեբուլոյի նախագահ Սմբատ Կյուրեղյանը:

Սպիտակի երկրաշարժի զոհերի հիշատակին հոգեհանգստյան արարողություններ մատուցվեցին նաև Բաթումիում, Ծալկայում, Վրաստանի հայաբնակ մյուս վայրերում:

ՎՐԱՍՏԱՆ - ՀԱՅԱՍՏԱՆ

Մ.ԶԱՆԵԼԻՉԵԻ ԵՎ Է. ՆԱԼԲԱՆԴՅԱՆԻ ՀԱՆԴԻՊՈՒՄԸ ՎԻԵՆՆԱՅՈՒՄ



Վիեննայում ԵԱՀԿ արտգործնախարարների խորհրդի 24-րդ նիստին մասնակցող Վրաստանի ԱԳ նախարար Արթուր Զանելիձեն հանդիպում ունեցավ Հայաստանի ԱԳ նախարար Էդվարդ Նալբանդյանի հետ: Նախարարներն անդրադարձան երկկողմ հարաբերությունների օրակարգային հարցերի լայն շրջանակին, մտքեր փոխանակեցին երկու երկրների ղեկավարների միջև ձեռքբերված համաձայնությունների կատարման ընթացքին:

Հանդիպման ընթացքում, քննարկվեցին բարձր մակարդակի փոխայցելությունների նախապատրաստական աշխատանքները:

ԽՈՐՀՐԱԺՈՂՈՎ

«ԵՎՐԱՄԻՈՒԹՅՈՒՆԸ ԵՎ ԳՈՐԾԸՆԿԵՐՆԵՐԸ՝ ԲԱԶՄԵՐԱՆԳՈՒԹՅՈՒՆ ՈՒԺԵՂ ՄԻԱՍՆՈՒԹՅԱՆ ՀԱՄԱՐ» ՄԻԶԱԶԳԱՅԻՆ ԽՈՐՀՐԱԺՈՂՈՎ ԹԲԻԼԻՍԻՈՒՄ

(Սկիզբը՝ 1-ին էջում)


Եվրամիության հետ համագործակցության համար քսան նոր նախագիծ: Գիորգի Կվիրիկաշվիլու հավաստմամբ, չնայած արտաքին եւ ներքին սպառնալիքներին, Վրաստանը հստակորեն ընթանում է եվրամիությունում ուղիով: Նրա խոսքով, եվրամիության տրանսֆորմացիան հզորությունը եւ եվրոպական արժեքների վրա հիմնված արտաքին քաղաքականությունը:

ընդարձել են Վրաստանում իրականացվող բարեփոխումների ու արդիականացման անկյունքարը, երկրի արտաքին եւ ներքին քաղաքականության անկապտելի մասը, որի նպատակը ժողովրդավարական զարգացած եվրոպական պետության շինարարությունն է:

- Մեր նպատակն է համատեղ ջանքերով պահպանել միասնական հզոր եվրոպա, որը, համապատասխան պայմանների առկայության դեպքում, պատրաստ

կլինի դռները բացել Վրաստանի ու եվրոպական մյուս պետությունների համար, հայտարարեց Գիորգի Կվիրիկաշվիլին:

Իր հերթին, Վրաստանի խորհրդարանի նախագահ Իրակլի Կոբախիձեն խոսեց այն համատեղ միջոցառումների մասին, որոնք Վրաստանի օրենսդիր եւ գործադիր իշխանությունները համատեղ իրականացնում են եվրամիության Ասոցիացիայի համաձայնագրի պահանջների հաջող կատարման համար:



ՎԱՏԻՎԱՆ

ՀՈՒՍԻ ՊԱՊԸ ՓՈՒՆՈՒՄ Է «ՀԱՅՐ ՄԵՐ» ԱՂՈՔԻ ԲԱՌԵՐԸ

Հոռոմի Ֆրանցիսկոս Պապը համոզված է եկել Տերունական աղոթքը փոխելու օգտին:

Քահանայապետի կարծիքով, ելնելով աղոթքի անգլերեն եւ մի շարք այլ լեզուներով թարգմանությունից՝ կարելի է կարծել, թե «Աստված ընտրում է փորձության ենթարկել մեզ, թե ոչ»: «Դա լավ թարգմանություն չէ, որովհետեւ ակնարկում է, որ Աստված դրոշմ է գալթալից», - հայտարարել է Հոռոմի պապը: Ֆրանցիսկոս պապը հիշեցրել է, որ Ֆրանսիայում արդեն փոխել են աղոթքի տեքստը, որն այժմ ասում է «թույլ մի տուր մեզ փորձության ենթարկվել»:

Ավետարանի համաձայն, իր աշակերտներին տվել է Հիսուս Քրիստոսն ի պատասխան նրանց՝ աղոթք սովորեցնելու խնդրանքի: Բնագրի լեզվում, աղոթքը կորստի է մատնվել, եւ պահպանված տեքստերից ամենահինները գրված են հին հունական կոյնեով:

ԱՄՆ

ԴԵՄՊԱՆՈՒԹՅՈՒՆ ԵՆ ԵՐՈՒՍԱՂԵՄ ՏԵՐԱՓՈՒՆՈՒՄ ԵՆ ԵՐՈՒՍԱՂԵՄ

Դեկտեմբերի 6-ին ԱՄՆ նախագահ Դոնալդ Թրամփը որոշում ընդունեց Իսրայելում ԱՄՆ դեսպանությունը թեղ Ավիվից Երուսաղեմ տեղափոխելու եւ դրանով Երուսաղեմը Իսրայելի մայրաքաղաք ճանաչելու մասին:

Ընդունած որոշման կապակցությամբ, մի շարք պետություններում ԱՄՆ դեսպանությունների աշխատակիցներն արտասահմանում գտնվող ամերիկացիներին հայտնել են նրանց անվտանգության հնարավոր սպառնալիքի մասին: Այդ հայտարարություններով հանդես են եկել, մասնավորապես, Մեծ Բրիտանիայում, Գերմանիայում, Իտալիայում եւ Բելառուսում գործող ԱՄՆ դեսպանությունները: Նշել են, որ Թրամփի որոշումը «կարող է առաջացնել բողոքներ, եւ դրանցից մի քանիսը կարող են հանգեցնել բռնության»: Համանման նախազգուշացումներ են զետեղված Աֆղանստանում, Իսրայելում, Հորդանանում եւ Թուրքիայում ԱՄՆ դեսպանությունների կայքերում:

ՊԱՂԵՍԻՆ

ԳՈՐԾԱՂՈՒՒ Ի ՆԵԱՆ ԲՈՂՈՔԻ

Համընդհանուր գործադուլը, որը «ցասման օրվա» շրջանակներում անցկացվում է ի նշան Երուսաղեմը Իսրայելի մայրաքաղաք ճանաչելու Վաշինգտոնի որոշման դեմ բողոքի, կաթվածահար վիճակ է ստեղծել Հորդանան գետի արեւմտյան ափին:

Ավելին, Պաղեստինի ղեկավարությունը հրաժարվում է հանդիպել ԱՄՆ-ի փոխնախագահ Մայքլ Փենսի հետ: Ի նշան Միացյալ Նահանգների կողմից Երուսաղեմն Իսրայելի մայրաքաղաք ճանաչելու դեմ բողոքի:

ՀՈՒՆԱՍՏԱՆ

ԹՈՒՐԻՔԻԱՅԻ ՆԱԽԱԳԱՅԻ ԱՆԱԿԵՎԱԼՆԵՐՈՎ ՀԱԳԵՑՎԱԾ ԱՅՑԸ

Թուրքիայի նախագահ Էրդողանի այցը Հունաստան, որն ակնկալվում էր, թե շրջադարձային կլինի՝ հաշվի առնելով վերջին 65 տարվա ընթացքում Թուրքիայի նախագահի կողմից իրականացվող առաջին այցի կարեւորությունը, վերածվել է «լեզվակռվի»: Ռեջեփ Թայիփ Էրդողանը մի կողմ է դրել դիվանագիտական նրբանկատությունն ու մի շարք «կարմիր գծեր» հատել:

Մասնավորապես, Էրդողանը պատմական այցի առաջին օրը կոպտորեն երեւան է հանել վաղուց մոռացված վեճերը, այդ թվում՝ 1923 թ. Լոզանի համաձայնագիրը: Բացի այդ, Էրդողանը հայտարարել է, որ Աթենքը պետք է վերադարձնի Թուրքիայում հեղաշրջման փորձից հետո Հունաստան փախած ութ թուրք զինվորականի:

ՎՐԱՍԱՆ - ՇՎԵՅՏԱՐԻԱ

ՇՎԵՅՏԱՐԻԱՅԻ ՆԱԽԱԳԱՅԻ ԱՅՅԸ ՎՐԱՍԱՆ

(Սկիզբը՝ 1-ին էջում)

թյան կատարելագործմանը: Ինչպես նշեց նախագահը, տնտեսական քաղաքականությունը կողմնորոշված է ազատ, արդարացի ու կա-

յուն զարգացմանը, եւ Վրաստանում իրականացվող բարեփոխումները նպաստում են երկրում ներդրումային միջավայրի բարելավմանը:

Կողմերն ընդգծեցին վրաց-շվեյցարական հարաբերու-

թյուններում երկկողմ համագործակցության խորացման առաջնահերթությունը, անդրադարձ կատարեցին նաեւ Վրաստանի եւ Ռուսաստանի միջեւ Շվեյցարիայի կողմից իրականացվող միջնորդական

գործառույթի հարցերին:

Այցի շրջանակներում, կայացավ Վրաստանի վարչապետ Գիորգի Կվիրիկաշվիլու հանդիպումը Շվեյցարիայի նախագահ Դորիս Լեյթբարդի հետ:

ՀԱՄԱԳՈՐԾԱԿՑՈՒԹՅՈՒՆ

ՎՐԱՍԱՆԻ ԱԳ ՆԱԽԱՐԱՐԸ ՄԱՍՆԱԿՑԵՑ ՆԱՏՕ-Ի ՄԻՆԻՍՏԵՐԻԱԼԻՆ



Դեկտեմբերի 5-ին Վրաստանի արտաքին գործերի նախարար Միխեիլ Ջանելիձեն Բրյուսելում մասնակցեց Հյուսիսատլանտյան դաշինքի արտաքին գործերի մինիստերիային:

Նախարարի միտքը, որտեղ քննարկվեցին ՆԱՏՕ-ին Վրաստանի ինտեգրման գործընթացի եւ այլանսի հետ Վրաստանի երկկողմ համագործակցության հետ առնչվող հարցեր, Սեյ ժովի անվտանգության գործընթացում Վրաստան-ՆԱՏՕ համագործակցության հեռանկարները: Ըստ Ստուտենբերգի գնահատման, Վրաստանը ՆԱՏՕ-ի մերձավորագույն գործընկերն է: Նա ընդգծեց այն առաջընթացը, որը Վրաստանում արձանագրվել է վերջին մի քանի տարիների ընթացքում տարբեր ոլորտների բարեփոխման եւ արդիականացման ուղղությամբ:

Բրյուսելում, ՆԱՏՕ-ի արտաքին գոր-

ծերի մինիստերիայի շրջանակներում, տեղի ունեցավ Վրաստանի արտաքին գործերի նախարար Միխեիլ Ջանելիձեի եւ ԱՄՆ պետքարտուղար Ռեքս Թիլերսոնի հանդիպումը:

Ինչպես հանդիպման ավարտին հայտարարեց ԱՄՆ պետքարտուղարը, ինքը Վրաստանի փոխվարչապետ, արտաքին գործերի նախարարի հետ ունեցավ արդյունավետ հանդիպում, որտեղ քննարկվեցին վրաց-ամերիկյան երկկողմ, ինչպես նաեւ այլանսի շրջանակներում ծավալվող համագործակցությանն առնչվող հարցեր:

- Մենք լրիվությամբ պաշտպանում ենք Հյուսիսատլանտյան այլանսի Վրաստանի ապագա անդամակցությունը, - հանդիպման ավարտից հետո հայտարարեց Ռեքս Թիլերսոնը:

ԲԱՐԵՓՈՒՆՈՒՄ

ՀԱՍՏԱՏՎԵՅԻՆ ԿԱՌԱՎԱՐՈՒԹՅԱՆ ՎԵՐԱԿԱՌՈՒՅՄԱՆ ՓՈՓՈԽՈՒԹՅՈՒՆՆԵՐԸ

(Սկիզբը՝ 1-ին էջում)

պանության նախարարության չեղարկման կապակցությամբ:

Ինչպես արդեն նշել ենք, կառավարության վերակառուցման կապակցությամբ, օրենսդրական փոփոխությունների փաթեթը նշակվել էր գործադիր իշխանության կողմից եւ նախատեսվում էր 18 նախարարություն-

ներից պահպանել 14-ը: Մասնավորապես, եվրոպական եւ եվրատլանտյան կառույցների ինտեգրման հարցով պետնախարարի գործառույթները փոխանցվում էին արտաքին գործերի նախարարությանը, իսկ բնապահպանության նախարարությունը միացվում էր գյուղատնտեսության նախարարությանը: Մշակույթի եւ հուշար-

ձանների պաշտպանության նախարարության իրավասության ներքո է անցնում սպորտի եւ երիտասարդության հարցերով գործառույթը, իսկ էկոնոմիկայի եւ կայուն զարգացման գերատեսչության իրավասություններին ավելացվում են էներգետիկայի նախարարության եւ բնական ռեսուրսների կառավարման գործառույթները: Մի-

աժամանակ, ներքին գործերի նախարարությունում իրականացվող վերակառուցման արդյունքում, արտակարգ իրավիճակների կառավարման գործակալության եւ պետական անվտանգության ու ճգնաժամերի կառավարման խորհրդի բազայի վրա ստեղծվում է արտակարգ իրավիճակների կառավարման կենտրոնը:

ՎԻՃԱԿԱԳՐՈՒԹՅՈՒՆ

ՄԱՀԱՑՈՒԹՅԱՆ 93 ՏՈԿՈՍԻ ՊԱՏՃԱՐԸ ՎԱՐԱԿԻԶ ՀԻՎԱՆԴՈՒԹՅՈՒՆՆԵՐԸ ՉԵՆ

Վրաստանի աշխատանքի, առողջապահության եւ սոցիալական պաշտպանության նախարարության նախկին նախագահի մասին եւ ոչ վարակիչ հիվանդությունների վերահսկողության համակարգման խորհրդի ընդլայնված նիստում քննարկեցին ոչ վարակիչ հիվանդությունների ռիսկ գործոնների ուսումնասիրության արդյունքները:

Ինչպես նշվեց նիստում, ծխախոտի եւ ալկոհոլի չարաշահումը, ինչպես նաեւ պասիվ կենսակերպը հանդիսանում են ոչ վարակիչ հիվանդությունների ազդակներ, որոնք, իրենց հերթին, դառնում են երկրում մահացության 93 տոկոսի պատճառը: Ուսումնասիրության համաձայն, 2010-2016 թվականներին ծխախոտ օգտագործողների թիվը 55,5 տոկոսից հասել է 59,2 տոկոսի: Վերոնշյալ ժամանակահատվածում, 78,58 տոկոսից մինչեւ 89,7 տոկոսի է հասել նա-

եւ ալկոհոլի օգտագործումը: Ուսումնասիրության արդյունքում, բացահայտվել է նաեւ նախկին նախագահի նվազեցումը: Կրկին առաջնահերթային հիմնախնդիր է հանդիսանում ավելորդ քաշը եւ աղի չարաշահումը: Ոչ վարակիչ հիվանդությունները հայտնի են նաեւ որպես քրոնիկական հիվանդություններ, եւ 21-րդ դարի համար առողջապահության նշանակալի մարտահրավեր են: Որպես օրենք,

այդ հիվանդությունները տեսական են եւ հանդիսանում են զենետիկական, ֆիզիոլոգիական, էկոլոգիական եւ առօրեական գործոնների համակցում: Ոչ վարակիչ հիվանդություններից են սիրտ-անոթային հիվանդությունները (ինչպիսիք են ինֆարկտը եւ կաթվածը), ուռուցքային հիվանդությունները, քրոնիկական թոքային հիվանդությունները եւ այլն:

Նշենք, որ Վրաստանի առողջապահության նախարարությունը 2015 թվականին հիմնել էր ոչ վարակիչ հիվանդությունների նախկին նախագահի մասին վերահսկողության համակարգման խորհուրդը, որպեսզի վերահսկողություն սահմաներ եւ ծրագրեր հիվանդությունների կանխման միջոցառումները:

Շարաքից շարաք. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԲՅՈՒՋԵ - 2017

ԽՈՐՀՐԴԱՐԱՆԸ ՀԱՍՏԱՏԵՑ 2017 ԹՎԱԿԱՆԻ ԲՅՈՒՋԵԻ ՈՒՂՈՒՄՆԵՐԸ


Դեկտեմբերի 4-ին Վրաստանի խորհրդարանը, իր լիազույցմամբ միասնաբար 89 կողմ ձայնով, հաստատեց 2017 թվականի պետական բյուջեի փոփոխությունները, ըստ որի, տնտեսական աճի կանխագծումը 4-ից հասցվում է 4,5 տոկոսի:

Փոփոխությունների համաձայն, բյուջետային մուտքերն ավելանում են 30 միլիոն լարիով եւ կազմում 11,4 միլիարդ լարի, իսկ բյուջետային ներդրումներն ավելանում են 305 միլիոն լարիով հասնելով 11,7 միլիարդ լարիի: Հարկային մուտքերը ավելանում են 160 միլիոն լարիով եւ կազմում 8,9 միլիարդ լարի: 46,7 միլիոն լարիով ավելանում են նաեւ օտարերկրյա դրամաշնորհներից ստացվող եկամուտները, այն, ընդհանուր առմամբ, կկազմի 331,2 միլիոն լարի:

Իրականացված փոփոխությունների

համաձայն, ութ նախարարությունների բյուջետային մուտքերն ավելացվում են: Մասնավորապես, Էկոնոմիկայի եւ կայուն զարգացման նախարարությունը լրացուցիչ կատանա 106 միլիոն լարի եւ գերատեսչության ֆինանսավորումը կհասնի 476 միլիոն լարիի: Գյուղատնտեսության նախարարության ֆինանսավորումն ավելացվում է 65 միլիոնով եւ կազմում 323 միլիոն լարի: Տարածաշրջանային զարգացման եւ ենթակառուցվածքի նախարարության բյուջեն ավելացվում է 30 միլիոն լարիով եւ հասցվում 1,3 միլիարդ լարիի: Սպորտի եւ

երիտասարդության հարցերով նախարարությունը լրացուցիչ կատանա 10 միլիոն լարի, եւ ֆինանսավորումը կհասցվի 146 միլիոնի: Էներգետիկայի նախարարությունը լրացուցիչ կատանա 65 միլիոն, արդյունաբերության գերատեսչության բյուջեն կկազմի 197,3 միլիոն լարի: Բռնագաղթված անձանց եւ փախստականների նախարարության բյուջեն ավելացվում է 15 միլիոն լարիով, եւ այն հասցվում է 99,8 միլիոն լարիի: 5 միլիոն լարիով ավելացվում են 115 միլիոն լարիի է հասցվում արտաքին գործերի նախարարության բյուջեն, իսկ ներքին գործերի նախարարության ֆինանսավորումն ավելացվում է 14 միլիոնով, ընդհանուր առմամբ, բյուջեն կազմելու է 599 միլիոն լարի:



ԱՊՕՐԻՆԻ ԱՆՏԱՈՒՅԱՏՈՒՄՆԵՐ
Ընթացիկ տարվա հոկտեմբեր-նոյեմբեր ամիսներին, Սամցխե-Ջավախեթիի երկրամասային ոստիկանության ղեկավար-տամենտի եւ պարեկային ոստիկանության աշխատակիցները բացահայտել են ապօրինի անտառահատման 11 փաստ:
Ինչպես տեղեկացրել է ՆԳ նախարարության մամուլ ծառայությունը, Բորժոմի-ի, Աղիզենիի, Ախալցխեի եւ Ասպինձայի մունիցիպալիտետներում իրավախախտում թույլ տված անձանցից բռնագրավվել է մեծ քանակությամբ ապօրինի հատված անտառանյութ:

ԱԶԳԱՅԻՆ ՏԱՐԱԴՐԱՄ

ԿՈՐԱ ԳՎԵՆԵՏԱԶԵ. «ԱՐԻԻ ԿՈՒՐՍԻ ՎՐԱ ԱԶԴՈՒՄ ԵՆ ՄԻ ՇԱՐՔ ԳՈՐԾՈՆՆԵՐ»

(Սկիզբը՝ 1-ին էջում)

տարարեց Ազգային բանկի նախագահը եւ հավելեց, որ Ազգային բանկը պարտավորություն է վերցրել հաջորդ տարվա համար պահպանել գների կայունությունը եւ արժեզրկման մակարդակը՝ 3 տոկոսի սահմաններում: Դրա համար Ազգային բանկը կօգտագործի իր տրամադրության տակ գտնվող բոլոր հնարավորությունները:

- Վստահությամբ կարող են հայտարարել, որ հաջորդ տարի արժեզրկումը կնվազի: Դա նշանակում է, որ Ազգային բանկը պարտավորություն է ստանձնում

պահպանել գների կայունությունը եւ արժեզրկման մակարդակը՝ 3 տոկոսի չափով, եւ, որ արժեզրկումը շատ ավելի ցածր կլինի, քան այս տարի էր,- ընդգծեց Կորբա Գվենետաձեն եւ հավելեց,- նպատակին հասնելու համար, Ազգային բանկը կօգտագործի բոլոր հնարավորությունները՝ դրամավարկային քաղաքականությունը, տոկոսադրույքները, ռեզերվների կառավարումն ու, անհրաժեշտության դեպքում, կայունացման միջոցառումները, գույքագրումը եւ այլն:

Այս տարի արժեզրկման հարցում մոտեցումը սխալ էր. ծրագրված 41 տոկոսի փոխարեն, ստացանք 6,9 տոկոսի ար-



ժեզրկում, հաջորդ տարվա համար Ազգային բանկը խոստանում է, որ արժեզրկման մակարդակը կրկնակի կնվազի:

ԾՐԱԳՐՎՈՒՄ Ե ԶԱԴ-Ի ՎԵՐԱԿԱՐԶՄԱՆ ԱԿՏՈՄԱՏ ՀԱՄԱԿԱՐԳ

Վրաստանի ֆինանսների նախարար Սամուկա Բախտաձեն ծրագրում է հավելյալ արժեքի հարկի (ՀԱՀ) վերադարձման ավտոմատ համակարգի ներդրում: Նրա պարզաբանմամբ, գործարարը էլեկտրոնային հայտարարությունը ներկայացնելուց հետո, աշխատանքային 5-7 օրվա ընթացքում, կկարողանա ստանալ ՀԱՀ գումարի ավելցուկը:

- Դա նշանակում է, որ շուրջ 500 միլիոն լարի լրացուցիչ կվերադարձվի գործարարներին,- հայտարարեց Սամուկա Բախտաձեն:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (8 դեկտեմբերի)

Ազգային բանկի կողմից սահմանվել է տարադրամի հետեւյալ կուրսը.

ՏԱՐԱԴՐԱՄ	ՍՈՔ	ՎԱՇԱՍՈՔ
ԱՄՆ ԴՈՒՍԱՐ	2.645	2.715
ԵՎՐՈ	3.079	3.212
ՌՈՒՔԼԻ	0.042	0.049
ԴՐԱՄ	0.0042	0.0060

Դեկտեմբերի 1-ի համեմատ, դոլարի կուրսը նվազել է 0,035 լարիով:

ՎՐԱՍՏԱՆԻ ԱԶԳԱՅԻՆ ԲԱՆԿԸ ԶԳՈՒՇԱՑՆՈՒՄ Ե

Վրաստանի Ազգային բանկը բնակչությանը կոչ է անում առանձնակի զգուշություն եւ ուշադրություն ցուցաբերել այն ընկերությունների նկատմամբ, որոնք բնակչությանն առաջարկում են իրենց միջոցները ներդնել ֆինանսական մեծ ռիսկեր պարունակող գործարքներում:

Ինչպես նշված է Ազգային բանկի հայտարարության մեջ, դա վերաբերում է նաեւ այն ընկերություններին, ովքեր բնակչությանը կոչ են անում միջոցներ ներդնել էլեկտրոնային տարադրամային շուկաներում (FOREX) եւ մասնակցել օտարերկրյա տարադրամի առքուվաճառքով: «Նման ընկերությունները քաղաքացիներին բյուրիմացության մեջ օգեւելու նպատակով,

կարող են իրենց անվանման մեջ օգտագործել «ֆինանսական» «բրոկերային», «ներդրումային» եւ այլ անվանումներ, ինչը չի նշանակում, որ այդ ընկերությունները հանդիսանում են ֆինանսական կառույցի հավաստագրված ներկայացուցիչը, եւ դրանց գործունեությունը կարգավորվում է Ազգային բանկի կողմից»,- ասված է Ազգային բանկի հայտարարության մեջ:

ՈՂԲԵՐԳԱԿԱՆ ՄԻՋԱԴԵՊ՝ ԴՊՐՈՑԱԿԱՆՆԵՐԻ ՄԱՍՆԱԿՑՈՒԹՅԱՄԲ

ԵՐԵՔ ԱՆՉԱՓԱՅԱՍԻ ՄՊԱՆՈՒԹՅՈՒՆ ՄԵԿ ՕՐԿԱ ԸՆԹԱՑՔՈՒՄ

ԵՐԿՈՒՍԸ՝ ԹԲԻԼԻՍԻՈՒՄ, ԻՍԿ ՄԵԿԸ՝ ՇՂԱՏՈՒԲՈՅՈՒՄ

Դեկտեմբերի 1-ին Վրաստանի բնակչությունը սարսռեց ողբերգական միջադեպի դաժանությունից: Այդ օրը փոխվիճաբանության արդյունքում Թբիլիսիի կենտրոնում, Խորավայի փողոցի թիվ 51 եւ առաջին փորձառնական դպրոցների աշակերտների միջև տեղի ունեցավ ընդհարում:

Ընդհարմանը Գ.Բ.-ն դանակի բազմաթիվ հարվածներ է հասցրել Լ.Դ.-ին եւ Դ.Ս.-ին, ապա երկու մեղադրյալները փախուստի են դիմել: Ստացած վնասվածքներից Լ.Դ.-ն մահացել է հիվանդանոցի ճանապարհին, իսկ Դ.Ս.-ն երկրորդ օրը, հիվանդանոցում: 2017-ի դեկտեմբերի 2-ին իրավապահների կողմից Թբիլիսիում ձերբակալվել է Գ.Բ.-ն: Հաջորդ օրը, երկրորդ կասկածյալը հանձնվել է իրավապահ մարմիններին: Դեկտեմբերի 3-ին նրանց մեղադրանք է ներկայացվել:

Ինչպես տեղեկացրել է Վրաստանի ՆԳ նախարարության իրավապահները Խորավայի փողոցում տեղի ունեցած սպանության գործի շրջանակներում, ձերբակալվել են եւս 3 անձի: Ձերբակալվածների թվում աշակերտներից մեկի ծնող

Թենգիզ Կալանդիան է: ՆԳՆ-ի հայտարարության մեջ ասված է, որ ձերբակալվածները թաքցրել են տեղի ունեցածը՝ կեղծ ցուցմունքներ տալով իրավապահներին:

Ներքին գործերի նախարարությունը չի բացառել, որ տեղի ունեցած հանցագործության վերաբերյալ հնարավոր է աճի հանցագործությունը թաքցնելու մեջ մեղադրվողների թիվը:

Նշենք, որ անչափահասի սպանություն կատարվեց նաեւ Շղախուբոյի շրջանի Օփշկվիթի գյուղում: Այստեղ, ինչպես տեղեկացրել է «Իմեդի» հառուտարը կերպարները, բջջային հեռախոսի համար սպանել են 17-ամյա դպրոցականի: Իրավապահները ձերբակալել են կասկածյալին: Սպանողը գոհվածի համադասարանցի 18-ամյա երիտասարդ է:

ՄԻՍԵԼ ԳԻՆԵԿԵԼ. «ՄԵՆՔ ԱՆՁԻՋՈՒՄ ՊԱՅՔԱՐ ՊԵՏՔ Ե ՄԴԵՆՔ ԿՐԹՕՋԱԽՆԵՐՈՒՄ ԲՈՆՈՒԹՅԱՆ ԴԵՄ»

Թբիլիսիի թիվ 51 համրային դպրոցում տեղի ունեցած ողբերգական իրադարձության կապակցությամբ, Վրաստանի կրթության եւ գիտության նախարար Միխեիլ Չխենկելին համոզե եկավ հատուկ հայտարարությամբ՝ նշելով, որ պետք է անզիջում պայքար մղել բռնության դեմ:

Նրա խոսքով, համապատասխան մարմինները հնարավորինս անում են կարճ ժամանակահատվածում հետաքննությունը իրականացնելու համար: Միխեիլ Չխենկելին իր ցավակցությունը հայտնեց սպանվածների ընտանիքներին: - Մեր երեխաների անվտանգությունը մեր գլխավոր շահն է: Նախարարության ներկայիս կարելու ազդույն հոգալը աշխատանքի ուժեղացումն է, որպեսզի ման ողբերգությունները չկրկնվեն: Մենք անզիջում պայքար ենք մղելու բռնության դեմ: Մեր ջանքերը ներառելու են երկրի ողջ տարածքը, բոլոր դպրոցները, առանց բացառության,- հայտարարեց Միխեիլ Չխենկելին եւ հավելեց, որ դպրոցներում ուժեղացվելու է մանդատուրների դերը:

Նախարարի խոսքով, ներքին գործերի նախարարության հետ պայմանավորվածությամբ, դպրոցներում անվտանգության մոնիտորինգին կներգրավվի նաեւ պարեկային ոստիկանությունը: Ավելին, կրթության եւ գիտության նախարարի խոսքով, բոլոր դպրոցներում կգործեն մանկական հոգեբաններ: - Քսանջորսժամյա աշխատակարգով կգործի



հոգեբանական ծառայության թեժ գիծը: Որպեսզի առանց բացառության, ներառվեն բոլոր դպրոցները, արհեստավարժների հետ միասին համրային կրթությանը կաշխատեն հոգեբանության բարձրագույն ուսումնական հաստատությունների մագիստրոսներն ու դոկտորանտները: Այդ առումով, մենք առանձնակի նշանակություն ենք վերապահում ծնողների ակտիվ մասնակցությանը: Դա նախատեսում է դպրոցական կյանքում ինչպես ծնողների ակտիվ ներգրավում, այնպես էլ՝ նրանց տեղեկատվական-խորհրդատվական անհրաժեշտ սպասարկման մատուցում: Մենք հոգավոր ենք ոչ միայն հանցագործության կանխման, այլ, առաջին հերթին, այնպիսի իրավիճակի ստեղծման հարցում, որի այնպիսի իրավիճակի ստեղծման հարցում անթույլատրելի են,- հայտարարեց նախարարը եւ հավելեց, որ նախարարությունը պատրաստ է համագործակցության հասարակայնության հետ:

